

CovidSurg | 2020
Okuhambelana lelizwe leZimbabwe

Ukuhlinzwa ngesikhathi
sokumemetheka kwegciwane
leCOVID-19



NIHR Global Health Research Unit on
Global Surgery

OKUQUKETHWE KULOLUGWALO

Wena kumbe isihlobo sakho lingabe lihlele ukuthi lihlinzwe kumbe limelele ukuhlinzwa .Siyakuzwisa ukuthi lesi yisikhathi esinzima njalo uyabe ulemibuzo eminengi.

Ugwalo lolu lulotshwe ngenjongo yokuphathisa abagulayo kumbe izihlobo zabo ukuthi zizwisise ingozi eziphathelane lokuhlinzwa ngesikhathi lesi sokumemetheka kwegciwane le COVID-19. Sizachasisa ukuthi sizaliphatha njani ngesikhathi lesi segciwane lokuthi sizasebenza njani sonke ekubeni lesiqiniseko sokuthi likelekile .

Sibonga inhlanganiso yethu ecebisa abagulayo eye Patient Advisory Group eyaphathisayo ekubunjweni lokubhalwa kogwalo lolu (Imibiko equkethwe kulolugwalo ibunjwe ngokusebenzelana lezigulane)



*Ukuze uthole okunengi ethekelala ubulembu:
<http://nihrglobalsurgery.org/surgeryduringcovid>*

OKUMUNYETHWEYO

Kuyini okwenziwayo njengendlela yokuvikela abagulayo besamelele ukuhlinzwa?	4
Yiziphi ingozi ezingabakhona ngingahlaselwa ligciwane leCOVID-19 ngemva kokuhlinzwa?	4
Ukulungiselela ukuhlinzwa	5
Izisebenzi zenzani ukuze zingivikela ngesikhathi sokuhlinzwa langemva kokuhlinzwa?	6
Ngingaziphatha njani ukuze ngizivikele ngesikhathi sokuhlinzwa langemva kokuhlinzwa kwami?	7
Nxa ngidinga ukuhlinzwa ngokuphangisa ke?	8
Nxa ngilegciwane leCOVID-19 kanye lesilonda sokuhlinzwa njalo?	8
Ukumiswa kwamalanga okuhlinzwa lokuphuza ukuthola uncedo	9
Amabala aqakathekileyo	10
Okunye okungabhalwa	11

OKUMELE UBEKWAZI

Kuyini okwenziwayo ukuvikela izigulane ezimelele ukuhlinzwa?

Abakuhlangothi Iwezempi lakahle emhlabenji jikelele basebenza gadalala ukuthi bavikele abagulayo okumele bahlinzwe ngalesi sikhathi sokuhlasela kwe COVID-19 ngaphambilini langemva kokuhlinzwa.

Odokotela labaqhuba inhlolisiso bebeqogeleta imibiko elobungcwethi ephathelane lendlela yokunakekela abagulayo abafuna ukuhlinzwa ngesikhathi sokumemetheka kweciwane leli besebebanjwa ligciwane ngaphambilini kumbe ngemva kokuhlinzwa. Lokhu kuzabaphathisa ekuthatheni isinqumo besebenzisa imbiko eliqiniso kulokuthi belandele imicabango yabo.

abantu abagulayo abahlinzwayo ngesikhathi segciwane abasoze babanjwe kumbe ukuhlaselwa ligciwane leCOVID-19 ngesikhathi sokuhlinzwa kwabo

Yiziphi ingozi ezingabakhona ngingahlaselwa ligciwane leCOVID-19 ngemva kokuhlinzwa?



Inhlolisiso iveza ukuthi abantu abahlaselwa ligciwane ngemva kokuhlinzwa bangaba lobunzima obukhulu bokuphefuma nxa kuqathaniswa lalabo abangelalo .Kulobufakazi obukhona obuveza ukuthi inani lokufa liphezulu ebantwini laba.

Ababulawa ngeminye imikhuhlane basengozini enku nxa bengahlaselwa yiCOVID-19. Kuyikho kuqakathekile ukuthi sisebenzele ndawonye ekuvikeleni abantu abadinga ukuhlizwa okuthiwa.

Ngingazivikela njani?

Nxa wena kumbe ilunga lemuli yakho lilungiselela ukuhlinzwa ngesikhathi lesi esibhahe iCOVID-19, iqula lesibhedlelo lodokotela bazabe bekhangeli ingozi ezingahlanganwa lazo njalo bazabonisana lawe. Bazasebenza gadalala ukukunakekela ngenhloso yokuthi uthole ukuvikeleka okufanaleyo.

UKULUNGISELELA UKUHLINZWA

Ngizahlinzwa nini?

Izigulane ziqakatheswa ukuthi zihlinzwe ngokuphangisa nje nxa kubonakale ukuthi kuvikelekile ukwenza njalo. Lokhu kuzakwenziswa kukhangelwa ukuthi imfanelo ezidingakalayo zikhona, ezigoqela umbheda wesibhedlela kanye lenani labantu abale COVID-19 kuleyondawo. Ungaphiwa isikhathi santamba sokuhlinzwa kumbe esangempelaviki kungaqlisa njalo ukunakekelwa kwesiphangiphangi ngenhloso yokwehlisa inani labantu abafuna ukuhlinzwa.



Ukuqakatheski sa izigulane



Isikhathi sokuhlinzwa santambama kumbe esangempelaviki



Ukwehlisa kwenani labafuna ukuhlinzwa

Ngizahlinzelwa ngaphi?

Lumsebenzi wokuhlinza uzakwenzelwa endaweni eqakatheswa ukuvikelwa kwezigulane. Lokhu kungatsho ukuthi ungahlinzelwa esibhedhlela esizimele sodwa esiyabe siphewe isimo sokuthi "kasila" gciwane le'COVID-19' ukuthi siqhube umsebenzi.



IUkuhlinzwa okuhleliweyo




Indawo ezingiswe zahlela njengendawo ezivikelekileyo

Ngingazilungiselela njani ukuhlinzwa?


Abezempilakahle basendaweni yakho bazakupha indlela zokulandela, ungacelwa ukuthi:

- Uzihlalele wedwa okwesikhathi esithile ungakahlinzwa.
- Ukuthi uhlolwe igciwane leSARS-CoV-2 ungakahlinzwa.

Njengendlela yokwehlisa ingozi, ukuhlinzwa kwabantu abatholaka belegciwane leli kuzaphuza. Khuluma lodokotela lengozi ezingaba khona lamanye amanyathelo ongawathatha okulungiselela.



Ukuhihlalela wedwa ungakahlinzwa



Ukuhihlola iSARS-CoV-2 ungakahlinzwa



Ukutholakala ulegciwane



Ukuphuza ukuhlinzwa

UKUHLALA UVIKELEKILE NGESIKHATHI SOKUHLINZWA LANGEMVA KOKUHLINZWA

Izisebenzi zenzani njengemizamo yokungivikela ngesikhathi sokuhlinzwa langemva kokuhlinzwa?

- ➊ Amaqula ezibhedlela azasebenzisa impahla zokuvikela wena kanye labo ezibizwa ngokuthi PPE, (personal protective equipment).
- ➋ Eminye imisebenzi yokuhlinza ingenziwa ngesikhathi esifitshane ngenjongo yokuvikela izisebenzi ekuhlaselweni ligciwane eliyabe lisempahleni abayabe beyisebenzisa kumbe emathonsini emithi efafazwayo.
- ➌ Okunye okuzakwenziwa ngenxa ye COVID-19 kuzachasiswa kumbe uzakubikelwa.
- ➍ Izisebenzi zesibhedlela zizakunakekela ukuze uvikeleke egciwaneni leCOVID-19.
- ➎ Izibhedlela zingenqabela abantu abazokubona.



Impahla
yokuvikela ama
PPE



Ukusebenzisa indlela
yokwehlisa amathuba
okuhlaselwa ligciwane



Indlela yokunakekelwa
oyichasiselweyo kumbe
oyibikelweyo

Nxa unghlaselwa yiCOVID-19 ngemva kokuhlinzwa, iqula lesibhedlela lizakhangelu ingozi osukiyo ngenxa yokuhlinzwa kwakho beselibeka indlela yokukunakekela ethuthukisa amathuba akho okuphepha kumbe okusila ekuhlinzweni kanye legciwane osulalo.

Kukhumbule lokhu: abagulayo abanengi abahlinzwayo ngesikhathi esibhahe igciwane kabasoze bahlaselwe yiCOVID-19 ngesikhathi sokuhlinzwa kwabo

UKULUNGISELELA UKUHLINZWA

Ngingaziphatha njani ukuze ngizivikele ngesikhathi sokuhlinzwa langemva kokuhlinzwa kwami?

- Landela amanyathelo okuziphatha ngendlela ehlanzekileyo.
- Iqula lezempi lakahle lizakuce bisa ukuthi kumele ulandele indlela yokutshiyelana umkhandlo kumbe ukuzivikela
- Ungacetshiswa kumbe ukuzikhethela ukuthi ugqoke imask.
- Unga nakekelwa esibhedlela “esingela” gciwane esibizwa ngokuthi ‘COVID-19 free’ .
- Abantu abakuvakatshelayo ezibhedlela kumbe nxa ususendlini bengenqatshelwa.
- Kungasetshenziswa amakilinika ebulenjini nxa kuseneliseka ukuze ungayikhona ekilinika mathupha.



Odokotela bazakukhipha esibhedlela bengakubona kufanele njalo kuvikelekile ukuthi uphume. Bazakuce bisa ngendaba eziphathe lane lokuhlinzwa kwakho ezifana lokunakekela isolonda, amaphilisi ayehlisa inhlungu, ukudla okukufaneleyo langendlela zokuqinisa umzimba .

Nxa ungabe ulombuzo ophathelane lokusila kumbe ukuphola kwakho, khululeka ukubuza iqula labezempilakahle abakwelaphayo.

Ukuba sesibhedlela lokusila usendlini kungabangela isizungu, kungumqondo omuhle ukwazisa abemuli, abangane kumbe omakhelwane ukuthi bakuncedise ngokukuthengela ongabe ukudinga nxa kuyikuthi uzhilalele wedwa unga hlangani labanye ngenjongo yokumisa ukumemetheka kwegciwane okuthiwa yi *self-isolating*.

UKUHLINZWA OKUMELE KWENZIWE NGESIPHANGIPHANGI

Nxa ngidinga kumbe ngifuna ukuhlinzwa ngokuphangisa ke?

Ezinye izigulane zidinga ukuhlinzwa phakathi kwamahola kumbe insuku ezilutshwane ngemva kokuhlolwa esibhedlela. Igciwane leli akumelanga limise izigulane ukuthi ziphathiswe kwezemphikahle. **Nxa ungezwa kuhle akumelanga uphuze. Ingcitshi kwezemphikahle zilungiselele ukuthi zikuphathise.**

Abanye abagulayo bangabe behlangane lomuntu ole COVID-19 begakafiki esibhedlela . Izibonakaliso zeCOVID-19 zingavela ngesikhathi sokuhlinzwa kwabo.



Inhloliso eyethulwayo iveza ukuthi abantu abalomkhuhlani weCOVID-19 besebehlinzwa basengozini ngoba umzimba uyabe uzama ukulwisana lesilonda sokuhlinzwa kanye leCOVID-19.

Nxa ngile COVID-19 lesilonda sokuhlinzwa?

Abagulayo ababanjwa ligciwane ngesikhathi sokuhlinzwa basengozini enkulu yokuhlaselwa kabanzi yiCOVID-19.

Kulamathuba phose amatshumi amahlanu ekhulwini obunzima bokuphefumula ebantwini laba njalo oyedwa kwabane engabulawa ngumkhuhlani lo.

Ingozi yobunzima bokuphefumula amatshumi amahlanu ekhulwini-



Ingozi yokufa – amakhulu amabili lanhlanu ekhulwini

Ngenxa yengozi le , yikho kudingakala ukuthi kwengezelelwwe isiphatho sabantu abahlinzwayo, bavikelwe njalo bathole usekelo olweneleyo bengahlaselwa .

UKUMISWA KWAMALANGA OKUHLINZWA LOKUPHUZA UKUTHOLA UNCEDO

Kungani uhlelo lokuhlinzwa kwami lumisiwe?

Ukumisa inhlelo zokuhlinza kungenziwa ngenxa yezizatho ezimbalwa ezigoqela:

- Ukwahlisa amathuba okubamba igciwane esibhedlela lobunye ubunzima obungavela ngemva kokuhlinzwa.
- Ukuze ingcitshi zezempiakahle zenelise ukuyaphathisa kwezinye inhlangothi zesibhedlela ezinga usizo masinyane
- Ukuze impahla yokusebenzisa, imibheda, amawadi lemitshina kusetshenziswe ngabantu abaleCOVID-19 abadinga uncedo ngokuphangisa .

Inani labantu abamelele ukuhlinzwa liphazanyiswa njani?



Emhlabeni wonke jikelele, inhlelo zokuhlinzwa kwabantu ezyizigidi ezingamatshumi amabili lasitshiyangalombili zadluliselwa phambili ngenxa yeCOVID-19



Kwele Zimbabwe sikhangelele ukuthi inhlelo zokuhlinzwa kwabantu abangaba zinkulungwane ezilishumi zizadluliselwa phambili ngenxa yegciwane leli

Lokhu kuvele kunhlolisso yomhlaba wonke jikelele yokumiswa kwenhlelo zokuhlinzwa kumaviki akuqala alitshumi lambili okuqhamuka kweCOVID-19.

Kungani kungcono kumbe kuvilekelekile ukuthi ngihlinzwe kathesi?

Kulamanyethelo athathwathwayo okuthi imisebenzi yokuhlinza yensiwe ngesikhathi lesi. Abagulayo bayaqakathiswa njalo kumele belatshwe ngokuphangisa njalo kusenziwa ngendlela ebavikelayo.



AMABALA AQAKATHEKILEYO

ICOVID-19 le SARS-CoV-2

ICOVID-19 libizo lalomkhuhlane obhahileyo. Ubangelwa ligciwane elaziwa ngokuthi SARS-CoV-2 (ukuvaleka lobunzima bokuphefumula okubizwa ngokugcweleyo ngokuthi severe acute respiratory syndrome coronavirus 2).

Igciwanele leli lithelelwana ngokungamathonsi okuvela emakhaleni lemlonyeni womuntu obulawa ngumkhuhlane lo esikhathini esinengi. Inengi labantu ababulawa ngumkhuhlane weCOVID-19 baveza izibonakaliso eziphansi leziphakathi laphakathi ezingadingi ukuthi bayelaliswa esibhedlela. Ingcosana yabantu ababulawa ngumkhuhlane lo yibo abaveza impawu ezigcweleyo okungabangela ukuthi balaliswe ezibhedlela kumbe baphathiswe ngesmitshina ekuphefumuleni .

UKWELATSHWA KWECOVID

Owkakathesi akula mithi kumbe indlela ekhona yokwelapha igciwane leli ngakho ke ukunakekela abagulayo besendlini yiyo indlela ekhona okwakathesi.Ukuvikela kumbe ukwenqabela kuqakathekile ikakhulu kulabo abasengozini yokuhlaselwa kumbe abangenelisi ukuzivikela.

INDAWO EZINGELA COVID-19

Lesi yisibhedlela ezingela mkhuhlante we COVID-19, kumbe isibhedlela esilamawadi angela COVID-19, indawo zokuhlinzela leziye eziqakathekileyo lazo ezingela mkhuhlante weCOVID-19. Ubufakazi buveza ukuthi ukuhlinzelwa endaweni enje kwelisa amathuba okuhlaselwa ligciwane ngesikhathi usesibhedlela.

UKUZIHLALELA WEDWA

Nxa usengozini enku yokuhlaselwa ligciwane lecoronavirus, nxa umelele ukuhlinzwa, ungacelwa ukuthi uzihlalele wedwa ungakayi esibhedlela,lokhu kutsho ukuhlala usendlini njalo ungaphumi kodwa usenelisa ukuthi uthunyelwe ukudla lenye impahla oyidngayo lemithi endlini.

Kumele uzihlalele wedwa ungahlangu labanye nxa wena kumbe omunye ohlala lawe elezibonakaliso zeCOVID-19.

UKUTSHIYELANA UMKHANDLO

Lokhu kuchaza amanyathelo okwehlisa amathuba okuthintana kwabantu abangabe belegciwane kumbe labo abasengozini yokuhlaselwa ngesikhathi sokuqhamuka komkhulane.

OKUNYE OKUQAKATHEKILEYO

Izinto engifuna ukuzibuza iqula labezempilakahle abazaqhuba
uhlelo lokungihlinza ...

Ukuze wazi okunengi ethekelala ubulembu ku:
<http://nihrglobalsurgery.org/surgeryduringcovid>



The Association of Coloproctology
of Great Britain and Ireland